

sed ad gehennā trāsseremur. Igitur ne affectū nec patriā nec honores nec diuitias præferre debemus, q̄a scriptū est præterit huius mūdi figura, & qui hūc mundū dilexerint cū mūdo peribūt. Illi ergo militemus qui militatibus sibi gloriā uitæ æternæ honorē regni cœlestis diuitias hæreditatis suæ & diuinæ cognitiōis consortiū phenne largiſ. Nam nullus rex terrenus totius orbis dominus est. Christus aut̄ totius mūdi rex est, quia omnia per christū facta sunt. Et quia regnū cœlorum uim patitur & uiolēti rapiūt illud. Talis uiolētia deo grata est, quæ neminē cōcutit, nullius dāno innitur, in hāc rapinā manus tuas mitte quæ crimen nō habet & cōfert salutem. Solicitudines enī nostræ carnales quāto cariores sūt tanto plus nos disruptiāt & fatigāt, ac proinde nunq̄ in carnalibus affectionibus ita requiescit animus ut cruciatu careat dum necessitudines suas aut bonas amet cū amittēdi meū, aut malas odit cū amittēdi uoto, in utroq; sustinēdis miseriis semp obnoxius est. Cōmuta ergo in melius uitā tuam æterno deo incipias militare & deum habeas protectorem. Sunt tamē multi qui nō metu poenarū sed benedictionū & repromotionū desiderio ueniunt ad salutem. Nihil enim est dignius q̄ ut homo sit auctoris imitator & secundū modum propriae uolūtatis diuini sit operis executor. Nam qui edere uult nucleum frangat nucem. Apostolus ait. Rectius enim fuerat hominē subiisse cōiugium & ambulasse per plana q̄ ad altiora tendentē in profundū inferni cadere.

Cap. xx. de laude & detractione  
uitanda, & periculis huius uitæ.

**N**on credas laudatoribus tuis, immo irrisoribus aurē libenter accōmodes. Omnis falsa prædicatio sectat lucra & gloriam querit humanam, ut per gloriam

nascantur compendia. Laudent te esurientium uiscera non ru-  
etantium opulenta conuiuia. Adolator quippe blādus ini-  
micus est, naturali ducimur malo adulatoribus nostris libē-  
ter fauemus, quanq; nos respōdeamus indignos callidus ru-  
bor ora perfundat, tamē ad laudem suam intrinsecus anima  
lætatur. Sed ueritas angulos non amat nec quærit susurro-  
nes. Laus quippe iustos cruciat iniquos exaltat. Sed iustos  
dum cruciat purgat, iniquos dum lætificat, reprobos mon-  
strat. Nulli detrahes, nec in eo te sanctū putes si cæteros la-  
ceras. Accusamus sæpe quod facimus, & cōtra nosmetipsos  
diserti nostra uicia iuehimur, muti de eloquētibus iudicātes.  
Nunq; huiuscemodi hominibus appliceris ne declines cor-  
tuum in uerba maliciæ & audias. Sed ē aduersus fratrē tuū  
loquæbaris & aduersum filiū matris tuæ ponebas scandalū  
Et apertius in ecclesiaste. Sicut mordet serpēs in silētio sic &  
qui fratri suo in occulto detrahit. Sed dicis ipse nō detraho  
aliis loquētibus quid facere possum. Ad excusandas excusa-  
tiones in peccatis, ista prætedimus christus arte nō deludit  
nequaq; mea, sed apostoli sentētia est. Nolite errare deus nō  
irridetur, ille in corde nos uidemus in facie. Salomon loquit  
in prouerbiis. Ventus aquilo dissipat nubes, & uultus tristis  
linguas detrahentiū. Sicut enī sagitta si mittatur cōtra durā  
materiā nonnunq; in mittentem reuertit, & uulnerat uulne-  
rantem. Iusta illud. Facti sunt mihi in arcum prauū. Et alibi.  
Qui mittit in altum lapidem recidit in caput eius. Ita detra-  
ctor cum tristem uiderit faciem audientis immo nō audien-  
tis quidem sed obturatis aures suas nō audiat iudicium san-  
guinis illico cōticescit, pallet uultus, hærent labia, salua sic-  
catur. Vnde idem uir sapiens, cum detraCTORIBUS inquit, ne  
miscearis, quoniam repente ueniet perditio eorū, & ruinam

utriusq; quis nouit: tam scilicet eius qui loquuntur. q; illius qui  
audit loquentē. Et Timotheo dicitur. Aduersus presbyterū  
accusationē ne receperis: peccantē autē coram omnibus ar-  
gue ut cæteri moctū habeāt. Non est facile de perfecta æta-  
te credendū quam & uita præterita defendit & honorat uo-  
cabulū dignitatis. Si me igitur uis corrigi delinquentē aper-  
te increpa tantū occulte ne mordeas. Corripit me iustus in  
misericordia & increpabit: oleum autem peccatoris nō im-  
piuguet caput meū. Nam in cōparatione duorū malorū le-  
uius malū est aperte peccare q; simulare & fingere sanctitatē  
Quid uulneribus tuis prodest: & si ego fuero uulneratus: an  
solatiū percussi est amicum secum uidere morientem. Quid  
enim mihi prodest si aliis mala mea referas? Si me nesciente  
peccatis meis: immo detractionibus tuis aliū uulneres & cū  
certatim omnibus narres: sic singulis loquaris quasi nulli al-  
teri dixeris hoc est nō me emēdare: sed uitio tuo satisfacere.  
Præcepit enī dominus peccātes interdū arguere debere se-  
creto uel adhibito teste: & si audire noluerint referti ad ecclē-  
siā. Habēdosq; in malo ptinaces: quasi ethnicos & publis  
canos: nā ingenia liberaliter educata facilē uerecūdia q; me-  
tus superat. Et quos tormenta nō uincūt iterdū uicit pudor:  
licet multo melius est timore p̄cenarum emēdare peccata q;  
spe prosperorū diuinæ subiacere sententiæ. Qui enī nō senserit  
deum per beneficia: sentiat per supplicia. Cæterū grāde pec-  
catum est odiſſe corripiētē: maxime si te nō odio sed amore  
corripiat. Cōtra nos autē oīs cōsonat chorus & latrant uni-  
uersa subsellia: iungūtur & nostri ordinis qui & roduntur &  
rodūt aduersum nos loquaces p̄ se muti quasi ipsi alii sint q;  
monachi: & nō quicq; in monachos dicit̄ redundet in cleri-  
cos q; patres sunt monachoz. Detrimentū pecoris pastoris

ignominia est. Sicut e regione illius monachi uita laudanda  
est qui ueneratioi habet sacerdotes christi & nō detrahit gra  
dui per quem factus est christianus. Nam quādo & inimicis  
præbemus beneficia ipsorū maliciā nostra bonitate supera  
mus: & mollimus duriciā & iratum animū ad benevolentiam  
flectimus. Sed nec ille absq; inuidiæ infectiōe esse poterit: q  
soli deo placere gestierit. Inuidia enī nō tam humanas amici  
tias q̄ solā iusticiā persequi: qui inuidus est aliena felicitate  
torquetur: quoniā uirtus semp inuidie patet. Difficile quoq;  
euadit opprobria cui est amica iusticia: immo siqs pie uiucre  
uoluerit iniqui p̄tinus irrisione blasphemāt. Hæc quoq; cō  
suetudo est detrahētis ut malū suū semp uelit negādo gemi  
nare: & dicere aut nō fecisse quod fecit aut bono operatum  
esse zelo. Nimirū ergo si contra me paruū homunculū im  
munde sues gruniūt & pedibus margaritas cōculcent: neq;  
procul ab urbibus foro litibus turbisq; remotū sicq; latente  
reperit inuidia. Tantū enī me diligūt hæretici q̄ sine me esse  
nō possunt: obmittā personas rebus tantū & criminibus est  
respondendū. Nil causæ prodest maledicētibus maledicere  
& aduersarios talione mordere cū præceptū sit: malum pro  
malo nō redi. Vnde nō de aduersario uictoriam: sed cōtra  
mendaciū quærimus ueritatē. Sed nec timeam⁹ odia subire  
quorundā. Nō enī hoībus debemus placere sed deo: at scito  
te me nunq̄ hæreticis pepercisse: sed omni studio peregisse  
ut hostes ecclesiæ mei fierēt hostes. Vnde mcā iniuriā patiē  
ter tuli: impietatē contra deum ferre nō potui. Latrāt canes  
pro dominis suis: tu nō uis me latrare pro christo: falsus ru  
mor cito opprimitur & uita posterior indicat de priore: sicut  
quidē nō potest ut absq; mortuū hoīum uitæ huius curricula  
quis pertrāseat. Maloꝝ solatiū est bonos carpere: dum pec

cantiū multitudinē putāt culpa minui peccator̄. Sed tamē  
cito ignis stipule cōquiescit & exundās flamma deficiētibus  
nutrimētis paulatim emoriāt. Nam si ante anno præterito fa  
ma mentita est: aut si certe uerū dixit: cessoſ tuitū cessoſabit &  
rumor. Prima nāq̄ uirtus monachi est cōtemnere hominū  
iudicia. Igitur nō timebo hominū iudicium habiturus iudicem  
meū. Cupiūt enī uicini nō suā ſed alienā diſcutere uitā. Sed  
qui amicus eſt etiā praua recta iudicat. Inuenti ſunt enī ſcioli  
tantū ad detrahendū qui eo ſe doctos oſtētare uolūt: ſi cun  
ctorū uitā lacerēt. Sed nihil deo clauſum eſt: & tenebræ lu  
cent apud deū. Fuge tamē in quibus potest male cōuerſatio  
nis eſ ſe ſuſpicio nec paratū habeas illud. Sufficit mihi cōſci  
entia mea: nō curo quid de me loquātur hoīes. Et certe apo  
ſtolus puidebat bona nō ſolū corā deo ſed etiā corā hoībus  
ne per illū nomē dei blaſphemare in gētibus: nec uolebat ſe  
iudicari ab infideli cōſcientia. Si ſcādalizat inquit eſca fratrē  
aternū carnē nō māducabo. Tolle igiſ occaſionē uolētibus  
occaſionē. Nam caſtigare uideāt aliū quisquis ab eius cōuer  
ſatione diſſentit. Sic & nos in iſta puidentia edificato mona  
ſterio & diuersorio prope ſtructū: ne forte & modo Iofeph  
cū Maria Bethleem ueniēs nō inueniat hospiciū. Tantis de  
toto orbe cōfluētibus turbis obruiuimur monachor̄: ut nec  
cōceptū opus deſererē nec ſupra uires ferre ualeamus. Vnde  
quia nobis illud de euāgelio cōtigit ut futuræ turris nō ante  
cōputaremus impēſas cōpuliſi ſumus fratrē Paulinianū ad  
patriā mittere ut ſemirutas uillulas quæ barbarorū manus  
effugerūt & parentū communiū cineres uēderet: ne cōceptū  
ſanctor̄ ministeriū deſerēte riſum maledicis & æmulis præ  
beamus. Vnde oia plena periculis oia plena ſunt laqueis in  
citant cupiditates: inſidiātur illecebra: blandiūtur lucra dā

na deterret. Amare sunt obloquentium linguae: nec semper uera  
cia sunt ora laudantium inde sequit & odit: hinc decipit officium  
& facilius est uisitare discordem q̄ declinare fallace. Silua suc-  
crescit ut postea resindat. Ideo ager seruit ut meta: iam ple-  
nus est orbis terra nos non capit quotidie bella secant: morbi  
subtrahunt: naufragia obsorbent: & nihilominus detrahimus  
& litigamus. Vides quoque in ecclesia imperitissimos quosque  
florere & quia nutrierunt frōtis audaciā & nobilitatē linguæ  
cōsecuti sunt: dum non recognitāt qd loquātur prudētes se &  
eruditos arbitrātur: maxime si uulgi fauore habuerint q̄ ma-  
gis dictis leuioribus cōmouent. Et econtrario uides eruditū  
uirū in obscuro latere & p̄secutiōes pati: & non solū in popu-  
lo gratiā non habere: sed iopia & egestate tabescere. Hæc aut̄  
sunt quia non est hic meritorum retributio sed in futuro.

Cap. xxi. de iuramento uindicta menda-  
cio stultiloquio prohibēdo.

**D**ixisti enī (ni fallor) iure te mala malis reddere: & cū  
iurātibus iurare debere: quia aliquādo iurauit domi-  
nus aut mala malis restituit. Scio primū non oia no-  
bis cōuenire seruis quae domino conueniūt ne in cōparatiōe  
famulorum domini uideat iniuria. Alioquin forsitan reclama-  
re incipimus. Cur non e uirginibus: sed de aliis mulieribus ge-  
neramur: aut cur mortui nostri tertia die non resurgunt. Iura-  
uit scio saepē dominus qui nos iurare prohibuit: nec statim ex  
hoc temere blasphemare debemus: q̄ alios uetererit dominus  
quod ipse faciebat: quia dici nobis potest. Iurauit dominus  
quasi dominus iurare nemo prohibebat: nobis quasi seruis  
iurare non licet qui domini nostri lege iurare uetamur. Verū  
ne in eius exēplo scandalū patiamur: ex quo tpe nos iurare  
noluit nec ipse iurauit. Et qualiter de iuramenti causa breui